



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

27.01.2017թ.

Ո Ր Ո Շ ՈՒ Մ

ՀՀ գնումների բողոքարկման խորհրդի

ՍՑ-109/16

ՀՀ գնումների բողոքարկման խորհրդի (այսուհետ նաև՝ Խորհուրդ) քննող հանձնաժողովը՝ գործելով Խորհրդի անունից և ուսումնասիրելով ՀՀ ֆինանսների նախարարության 07.06.2016թ. թիվ 1/73-3/15873-16 գրությամբ ներկայացված «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ին (ՀՎՀՀ՝ 06406567) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքը (այսուհետ նաև՝ ՍՑ-ԳԲԽ-109/16 բողոք), ինչպես նաև ՍՑ-ԳԲԽ-109/16 բողոքի վերաբերյալ «Գնումների աջակցման կենտրոն» ՊՈԱԿ-ի (այսուհետ նաև՝ Կենտրոն) 25.01.2017թ. ներկայացրած եզրակացությունը, պարզեց.

1. ՀՀ ֆինանսների նախարարության ներկայացրած փաստերը և պահանջը

ՀՀ ֆինանսների նախարարությունը, «Ստեփանավանի Վահան Թեքեյանի անվան թիվ 6 միջնակարգ դպրոց» ՊՈԱԿ-ի (այսուհետ նաև՝ Պատվիրատու) 22.03.2016թ. թիվ 9-181 և 08.04.2016թ. թիվ 9-193 գրությունների հիման վրա, 20.04.2016թ. թիվ 1/73-3/12444-16 գրությամբ դիմել է «Գնումների աջակցման կենտրոն» ՊՈԱԿ-ին (այսուհետ՝ Կենտրոն)՝ խնդրելով ուսումնասիրել «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ)

ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ վերը նշված մասնակցին Ցուցակում ներառելու համար:

ՀՀ ֆինանսների նախարարությունը վերը նշված գրությամբ Կենտրոնին է ներկայացրել «Ստեփանավանի Վահան Թեքեյանի անվան թիվ 6 միջնակարգ դպրոց» ՊՈԱԿ-ի 22.03.2016թ. թիվ 9-181 և 08.04.2016թ. թիվ 9-193 գրությունների պատճենները:

Կենտրոնը 01.06.2016թ. թիվ 01/04.1/2135-16 գրությամբ ՀՀ ֆինանսների նախարարության 20.04.2016թ. թիվ 1/73-3/12444-16 գրության հիման վրա «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է եզրակացություն, որով Կենտրոնը արձանագրել է «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ի կողմից «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված խախտման առկայությունը:

Միաժամանակ Կենտրոնը հայտնել է, որ «Գնումների մասին» ՀՀ օրենքի (այսուհետ նաև՝ Օրենք) 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար անհրաժեշտ է, որ նույն կետով սահմանված և մասնակցին վերագրվող խախտում թույլ տալու պահից **մեկ տարվա ընթացքում անձը մասնակցած լինի գնման որևէ գործընթացին և ներկայացրած լինի հայտ**, քանի որ օրենքի նշված նորմի համաձայն՝ մասնակիցն ընդգրկվում է նշված ցուցակում, եթե վերագրվող խախտումը կատարվել է հայտը ներկայացնելու պահին նախորդող տարվա ընթացքում:

Հաշվի առնելով վերոգրյալը՝ Կենտրոնը գտել է, որ կողմից խախտումը թույլ տալու պահից (29.12.2015թ.) հաշված մեկ տարվա ընթացքում մասնակիցների կողմից հայտ ներկայացնելը հիմք կհանդիսանա ՀՀ գնումների բողոքարկման խորհրդում պաշտոնական ընթացակարգ նախաձեռնելու համար, որի արդյունքում «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ի կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

Սակայն, ՀՀ ֆինանսների նախարարությունը 07.06.2016թ. թիվ 1/73-3/15873-16 գրությամբ հանձնարարել է Կենտրոնին նախաձեռնել «ԱԼԲԵՐՏ ՂԱՐԱՔԵՇԻՇՅԱՆ»

ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

2. «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ի ներկայացրած փաստարկները և դիրքորոշումը

«ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ն 04.05.2016թ. գրությամբ Կենտրոնին հայտնել է, որ 2016թ. հունվար ամսվա հաշվետվության մեջ հարկային հաշիվները ճշտագրվել են և ներկայացվել են ՏՀՏ, ինչի արդյունքում հարկային պարտավորությունը վերացել է:

3. «Ստեփանավանի Վահան Թեքեյանի անվան թիվ 6 միջնակարգ դպրոց» ՊՈԱԿ-ի ներկայացրած փաստարկները և դիրքորոշումը

«Ստեփանավանի Վահան Թեքեյանի անվան թիվ 6 միջնակարգ դպրոց» ՊՈԱԿ-ը 22.03.2016թ. թիվ 9-181 և 08.04.2016թ. թիվ 9-193 գրություններով ներկայացրել է «ՍԵՄԴ-ՇՀԱՊԶԲ-16/2» ծածկագրով շրջանակային համաձայնագրերի միջոցով գնում կատարելու ընթացակարգին վերաբերող բոլոր անհրաժեշտ փաստաթղթերի պատճենները:

4. ՍՑ-ԳԲԽ-109/16 բողոքի վերաբերյալ «Գնումների աջակցման կենտրոն» ՊՈԱԿ-ի դիրքորոշումը

«Գնումների աջակցման կենտրոն» ՊՈԱԿ-ը Խորհրդին է ներկայացրել իր 25.01.2017թ. եզրակացությունը և առաջարկել է ՀՀ ֆինանսների նախարարության 07.06.2016թ. թիվ 1/73-3/15873-16 գրությամբ ներկայացված «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ին (ՀՎՀՀ՝ 06406567) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգով նախաձեռնած բողոքը մերժել:

5. ՍՑ-ԳԲԽ-109/16 պաշտոնական ընթացակարգով նախաձեռնված բողոքի քննության համար էական նշանակություն ունեցող փաստերը

ՀՀ ֆինանսների նախարարության 20.04.2016թ. թիվ 1/73-3/12444-16 գրությամբ ներկայացված «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1. «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ն «Ստեփանավանի Վահան Թեքեյանի անվան թիվ 6 միջնակարգ դպրոց» ՊՈԱԿ-ի կողմից կազմակերպված «Ս6ՄԴ-ՇՀԱՊԶԲ-16/2» ծածկագրով շրջանակային համաձայնագրերի միջոցով գնում կատարելու ընթացակարգին մասնակցելու նպատակով 29.12.2015թ. ներկայացրած հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ հայտը ներկայացնելու օրվա դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:

2. Պատվիրատուն ՀՀ ֆինանսների նախարարությանն ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով նախատեսված տվյալների ճշտման մասին 30.12.2015թ. կատարված հարցմամբ խնդրել է տրամադրել տեղեկատվություն «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ի վերաբերյալ:

3. Ի պատասխան վերոհիշյալ հարցմանը՝ ՀՀ ֆինանսների նախարարության կողմից Պատվիրատուին տրամադրվել է եզրակացություն, համաձայն որի «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ն 2015թ. դեկտեմբերի 29-ի դրությամբ (հայտը ներկայացնելու օրվա դրությամբ) ունեցել է ժամկետանց հարկային պարտավորություն՝ 1226 ՀՀ դրամի չափով:

4. ՀՀ ֆինանսների նախարարությունը, «Ստեփանավանի Վահան Թեքեյանի անվան թիվ 6 միջնակարգ դպրոց» ՊՈԱԿ-ի 22.03.2016թ. թիվ 9-181 և 08.04.2016թ. թիվ 9-193 գրությունների հիման վրա, 20.04.2016թ. թիվ 1/73-3/12444-16 գրությամբ

դիմել է Կենտրոնին՝ խնդրելով ուսումնասիրել «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ վերը նշված մասնակցին Ցուցակում ներառելու համար:

5. Կենտրոնը 24.05.2016թ. թիվ 02/04.1/2001-16 գրությամբ դիմել է ՀՀ ԿԱ պետական եկամուտների կոմիտեին և խնդրել «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ին Ցուցակում ներառելու հարցն ուսումնասիրելու նպատակով Կենտրոնին հայտնել տեղեկատվություն Ընկերության կողմից 29.12.2015թ. (հայտը ներկայացնելու օրվա) դրությամբ **Ժամկետանց** հարկային պարտավորություններ ունենալու վերաբերյալ:

6. ՀՀ ԿԱ պետական եկամուտների կոմիտեն 01.06.2016թ. թիվ 1/6-1/16795-16 գրությամբ Կենտրոնին հայտնել է, որ Վանաձորի ՀՏ-ի կողմից ձևավորվել և 12.01.2016թ. ՏՏԵՆԶՎ վարչության կողմից Պատվիրատուին տրամադրվել է համապատասխան եզրակացությունը, ըստ որի «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ն 29.12.2015թ. դրությամբ ունեցել է Ժամկետանց հարկային պարտավորություն՝ 1,226 ՀՀ դրամի չափով:

Վերը նշված գրությամբ ՀՀ ԿԱ պետական եկամուտների կոմիտեն տեղեկացրել է նաև, որ ՀՀ ԿԱ ՊԵԿ հարկային ծառայության տեղեկատվական բազայում 27.05.2016թ. դրությամբ «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ն 29.12.2015թ. դրությամբ ունի ՀՀ պետական բյուջեի նկատմամբ 1,777,821 ՀՀ դրամ Ժամկետանց հարկային պարտավորություն:

7. Կենտրոնը 01.06.2016թ. թիվ 01/04.1/2135-16 գրությամբ արձանագրել է Ընկերության կողմից «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված խախտման առկայությունը և տեղեկացրել է Նախարարությանը, որ գործում առկա չէ որևէ տեղեկատվություն Ընկերության կողմից խախտումը թույլ տալու օրվանից՝ 29.12.2015թ.-ից, հաշված մեկ տարվա ընթացքում հայտ ներկայացնելու վերաբերյալ, ուստի Կենտրոնը գտել է, որ ՀՀ ֆինանսների նախարարության 20.04.2016թ. թիվ 1/73-3/12444-16 գրությամբ ներկայացված «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ին (ՀՎՀՀ՝ 06406567) գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

8. Միաժամանակ Կենտրոնը տեղեկացրել է, որ խախտումը թույլ տալու պահից (29.12.2015թ.) հաշված մեկ տարվա ընթացքում մասնակիցների կողմից հայտ ներկայացնելը հիմք կհանդիսանա ՀՀ գնումների բողոքարկման խորհրդում պաշտոնական ընթացակարգ նախաձեռնելու համար, որի արդյունքում «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ն կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

9. Ի պատասխան Կենտրոնի 01.06.2016թ. թիվ 01/04.1/2135-16 գրության՝ ՀՀ ֆինանսների նախարարությունը, Կարգի 124-րդ կետի 2-րդ ենթակետի համաձայն, 07.06.2016թ. թիվ 1/73-3/15873-16 գրությամբ հանձնարարել է նախաձեռնել «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

6. Խորհրդի հիմնավորումները և եզրահանգումը

Խորհուրդը, ուսումնասիրելով ՀՀ ֆինանսների նախարարության 20.04.2016թ. թիվ 1/73-3/12444-16 և 07.06.2016թ. թիվ 1/73-3/15873-16 գրությունները, «Ստեփանավանի Վահան Թեքեյանի անվան թիվ 6 միջնակարգ դպրոց» ՊՈԱԿ-ի 22.03.2016թ. թիվ 9-181 և 08.04.2016թ. թիվ 9-193 գրությունները և կից փաստաթղթերը, հայտնում է հետևյալը.

«Գնումների մասին» ՀՀ օրենքի (այսուհետ նաև՝ Օրենք) 5-րդ հոդվածի 1-ին մասի 2-րդ կետի համաձայն՝ **գնումների ընթացակարգերին մասնակցելու իրավունք չունեն անձինք, որոնք ունեն ժամկետանց պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:**

Նույն հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում գնման գործընթացի շրջանակում **ներկայացրել է կեղծ տվյալ:**

«ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ն «Ստեփանավանի Վահան Թեքեյանի անվան թիվ 6 միջնակարգ դպրոց» ՊՈԱԿ-ի կողմից կազմակերպված «ՍՃՄԴ-ՇՀԱՊՁԲ-16/2» ծածկագրով շրջանակային համաձայնագրերի միջոցով գնում կատարելու

ընթացակարգին մասնակցելու նպատակով 29.12.2015թ. ներկայացրած հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ հայտը ներկայացնելու օրվա դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:

Համաձայն ՀՀ ֆինանսների նախարարության կողմից տրամադրված եզրակացության՝ Ընկերությունը Ընթացակարգին մասնակցության հայտը ներկայացնելու (29.12.2015թ.) օրվա դրությամբ ունեցել է ժամկետանց հարկային պարտավորություն 1226 ՀՀ դրամի չափով:

Կենտրոնը 24.05.2016թ. թիվ 02/04.1/2001-16 գրությամբ դիմել է ՀՀ ԿԱ պետական եկամուտների կոմիտեին և խնդրել «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ին Ցուցակում ներառելու հարցն ուսումնասիրելու նպատակով Կենտրոնին հայտնել տեղեկատվություն Ընկերության կողմից 29.12.2015թ. (հայտը ներկայացնելու օրվա) դրությամբ **ժամկետանց** հարկային պարտավորություններ ունենալու վերաբերյալ:

ՀՀ ԿԱ պետական եկամուտների կոմիտեն 01.06.2016թ. թիվ 1/6-1/16795-16 գրությամբ Կենտրոնին հայտնել է, որ Վանաձորի ՀՏ-ի կողմից ձևավորվել և 12.01.2016թ. ՏՏԵՆԶՎ վարչության կողմից Պատվիրատուին տրամադրվել է համապատասխան եզրակացությունը, ըստ որի «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ն 29.12.2015թ. դրությամբ ունեցել է ժամկետանց հարկային պարտավորություն՝ 1,226 ՀՀ դրամի չափով:

Վերը նշված գրությամբ ՀՀ ԿԱ պետական եկամուտների կոմիտեն տեղեկացրել է նաև, որ ՀՀ ԿԱ ՊԵԿ հարկային ծառայության տեղեկատվական բազայում 27.05.2016թ. դրությամբ «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ն 29.12.2015թ. դրությամբ ունի ՀՀ պետական բյուջեի նկատմամբ 1,777,821 ՀՀ դրամ ժամկետանց հարկային պարտավորություն:

Ելնելով վերոգրյալից՝ Խորհուրդը գտնում է, որ «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ի կողմից 29.12.2015թ. հայտի N 2 հավելվածով ներկայացված հայտարարությունը հանդիսանում է «Գնումների մասին» ՀՀ օրենքի 5-րդ հոդվածի 1-

ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացում:

«Իրավական ակտերի մասին» ՀՀ օրենքի 86-րդ հոդվածի 1-ին մասի համաձայն՝ իրավական ակտը մեկնաբանվում է դրանում պարունակվող բառերի և արտահայտությունների տառացի նշանակությամբ՝ հաշվի առնելով օրենքի պահանջները:

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե **հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:**

Այսպիսով, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար **պարտադիր և միաժամանակյա առկա հիմքերն են՝**

- նույն կետի «բ» ենթակետերով նախատեսված և մասնակցին վերագրվող խախտման առկայությունը,
- խախտումը թույլ տալու պահից մեկ տարվա ընթացքում մասնակցի կողմից գործընթացին մասնակցելու համար հայտ ներկայացրած լինելու հանգամանքը:

Այսպիսով, Խորհուրդն արձանագրում է, որ «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ի վերաբերյալ դեռևս առկա է Ցուցակում ներառելու միայն մեկ հիմքը, այն է՝ **Օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված և վերջինիս վերագրվող խախտման առկայությունը**, սակայն Ընկերությանը Ցուցակում ներառելու մասին որոշումը կարող է կայացվել միայն երկրորդ պարտադիր հիմքի՝ **խախտումը թույլ տալու պահից մեկ տարվա ընթացքում մասնակցի կողմից հայտ ներկայացնելու հանգամանքի** ի հայտ գալու պայմաններում: Մինչդեռ մինչև բողոքարկման խորհրդի կողմից սույն որոշումը կայացնելը առկա չէ որևէ տեղեկատվություն Ընկերությանը վերագրվող խախտում թույլ տալու պահից հաշված (29.12.2015թ.) մեկ տարվա ընթացքում գնման որևէ գործընթացին հայտ ներկայացրած լինելու վերաբերյալ, ինչը հանդիսանում է մասնակցին Ցուցակում ներառելու մասին որոշում կայացնելու համար երկրորդ պարտադիր պայմանը:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

Ո Ր Ո Շ Ե Ց

ՀՀ ֆինանսների նախարարության 07.06.2016թ. թիվ 1/73-3/15873-16 գրությամբ ներկայացված «ԱԼԲԵՐՏ ՂԱՐԱՔԵՇԻՇՅԱՆ» ՍՊԸ-ին (ՀՎՀՀ՝ 06406567) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգով նախաձեռնած բողոքը մերժել:

ՀՀ գնումների բողոքարկման խորհրդի որոշումն իրավապարտադիր է:


ՀՀ գնումների բողոքարկման խորհրդի կայացրած որոշումը կարող է բողոքարկվել դատական կարգով:

Բողոքը քննող հանձնաժողով՝

Անդամներ՝



Սյունե Բադալյան



Լիլիա Պողոսյան